



## Uhuru wa Kuchagua

**K**ama yule nyoka alivyomdanganya Hawa kwa hila yake. —2 Wakorintho 11:3.

Shetani alimwingia nyoka na kuchukua nafasi yake kwenye mti wa ujuzi na akaanza kula lile tunda polepole.

Awali, bila kufahamu, Hawa, alijitenga na mumewe katika kazi yake. Hawa alipotambua ukweli alijisikia kwamba kungekuwa na hatari, lakini kwa mara nyingine alijifikiria kuwa salama, hata kama hakuwa amebaki kuwa karibu na mume wake. Alikuwa na hekima na nguvu za kujua kama ubaya unakuja na kuukabili. Katika hili, malaika walikuwa wamemwonya kabla kutokufanya hivi...

Shetani aliwasilisha wazo kwamba kwa kula matunda ya mti uliokatizwa wangepokea ujuzi mpya wa kiungwana kuliko ule waliokuwa nao tayari hadi wakati huo. Hii ndiyo iliyokuwa kazi yake maalum, yenye mafanikio makubwa, tangu kuanguka kwake – kuongoza watu kudukiza siri zake Mwenyezi na kutokuridhishwa na kile Mungu amekifunua, na hivyo wasiwe waangalifu katika kutii kile ambacho Mungu ameamuru. Shetani angewaongoza kutokutii amri za Mungu na kisha awafanye waamini kwamba walikuwa wakiingia kwenye eneo la kushangaza la ujuzi. Hii ni dhana tu, na udanganyifu mbaya. Wanashindwa kuelewa yale ambayo Mungu ameyafunua, na wanapuuza maagizo Yake waziwazi na kutamani hekima bila kumtegemea Mungu, na kutaka kuelewa yale ambayo ameamua kuwaficha binadamu. Wao hujivunia mawazo yao ya maendeleo na kupendezwa na falsafa zao zisizofaa, lakini wanapapasa katika giza tofoteo yanayohusiana na ufahamu wa kweli. Wao daima wanajifunza lakini kamwe hawawezi kuja kwenye ujuzi wa ukweli.

Hayakuwa mapenzi ya Mungu kwamba hawa wawili wasio na dhambi wawe na ujuzi wa uovu. Alikuwa amewapatia mema bure lakini alizuia uovu.

Hawa alikuwa amejifikiria kuwa alikuwa na uwezo wa kuchagua kati ya wema na uovu. Matumaini yasiyo ya kweli ya kuingia kwenye hali ya juu ya ujuzi yalikuwa yamemwongoza Hawa kufikiria kwamba nyoka alikuwa rafiki yake wa pekee, aliyekuwa akimtakia mema sana kwa ajili ya ustawi wake. Kama angemtafuta mumewe, na kuwasiliana na Mwumbaji wao maneno haya ya yule nyoka, wangekombolewa mara moja kutoka katika jaribu hili la kisanii (The Story of Redemption, 32-37).

Uasi na ukaidi vipo katika hewa hii hii tunayoivuta. Tutaathiriwa na haya kama tusipotundika kwa Kristo nafsi zetu zisizo na uwezo. Ikiwa watu wanapotoshwa kwa namna rahisi hivi leo, watawezaje kusimama wakati Shetani atakapomwigiza Kristo, na kutenda miujiza? Ni nani ambaye hataguswa na upotoshaji utakaofanyika wakati huo – akijidai kuwa Kristo wakati ambapo ni Shetani tu anayejifanya kuwa nafsi ya Kristo, na kuonekana kutenda matendo ya Kristo? Ni kitu gani kitashikilia watu wa Mungu ili wasioneshe utii wao kwa makristo wa uongo? “Wala msiwafuate” (Luka 17:23) (Selected Messages 2:394, 395).